

傷寒雜病論讀本

章炳麟題



中華民國二十五年一月初版

傷寒雜病論讀本全部四冊定價國幣叁圓

校訂者 長安黃竹

印刷者 克興印字館

西安鐘樓南

南京建鄴路羊市橋九九號

周柳亭醫室

上海白克路西祥康里七七號

中國醫藥書局

上海寶山路口頤福里六九號

光華醫藥雜誌社

西安南院門

西安中華書局

西安五味什字

西京鍼灸社



代售者



中央國醫館審定 傷寒雜病論集註三板預告

題簽作序者

于右任

焦易堂

彭養光

謝利恆

陳遜齋

周柳亭

王典章

趙和庭

閻甘園

朱鼎淵

葉農生

張贊臣

黃星樓

盛心如

裘吉生

周禹錫

田呈璧

葉橘泉

賀紱之

周

郭毓章

以上諸序業經先後登布國醫公報醫界春秋及光華醫藥雜誌茲接其要於左

中央國醫館館長焦易堂序云傷寒雜病論乃醫聖張仲景之遺著其價值等於四書五經醫家所奉為金科玉律者也顧其詞古奧義理深微讀之固難註之尤不易黃君竹齋詳稽博考引古證今歷三十年而傷寒雜病論集註始成閱其原書綱舉目張理明詞達其解釋六經原理復能自出心裁發前人所未發則其識見有獨到而學問有足多可知矣

中央國醫館常務理事謝利恆序云西安黃竹齋先生所著傷寒雜病論集註據生理之新說釋六經之病源貫穿中西精純淵博可謂集傷寒學說之大成誠醫林之鴻寶也

中央國醫館學術整理委員會專任委員陳遜齋序云黃君之書有三長論六經六氣則自成一家之言論三陰二陽則獨麟

古人之家心細如髮語必驚人其才高也上自本草經內經難經甲乙經玉函經巢氏病源千金外臺諸書下至五代宋金

元明清諸家學說旁及近代生理衛生物理化學諸種科學無不詳稽博考書計十有八卷都凡七十萬言是其學博也刪叔

和之序例訂仲景之原編正諸家之瑕疵駁運氣之乖謬折衷至當斷制謹嚴是其識超也具此才學識三長黃君之書可以

傳矣

本書於乙丑甲戌曾在西安印行兩次嗣後又參考醫書數十種並據桂林維哲初珍藏仲景十二稿傷寒雜病論及宋本內經千金方元大德本千金翼方詳細考覈嚴加修訂茲擬明春三次付印鉛印漢裝每部計七百餘頁分訂十二冊定價國

幣一十二元外埠加郵費四角 代售處見本書後



傷寒雜病論卷十二

長安黃維翰竹齋校訂

水氣病脈證并治第十四

師曰病有風水有皮水有正水有石水有黃汗。

風水其脈自浮外證骨節疼痛惡風皮水其脈亦浮外證肘腫按之沒指不惡風其腹如鼓不渴當發其汗正水其脈沉遲外證自喘石水其脈自沉外證腹滿不喘。

〔羅本〕當利其小便

黃汗其脈沉遲

身發熱胸滿四肢頭面腫久不愈必致癰膿。

肘音膚

脈浮而洪浮則爲風洪則爲氣風氣相搏風強則爲隱疹身體爲痒痒爲泄風久爲痲癩氣強則爲水難以俛仰風氣相擊身

體洪腫汗出乃愈惡風則虛此爲風水不惡風者小便通利上焦有寒其口多涎此爲黃汗

寸口脈沉滑者中有水氣面目腫大有熱名曰風水視人之目窠上微擁如蠶新臥起狀其頸脈動時時欬按其手足上陷而

不起者風水

〔脈經〕「千金」〔外臺〕無蠶字似是

太陽病脈浮而緊法當骨節疼痛反不疼身體反重而酸其人
不渴汗出卽愈此爲風水惡寒者此爲極虛發汗得之渴而不
惡寒者此爲皮水身腫而冷狀如周痹胸中窒不能食反聚痛
暮躁不得眠此爲黃汗痛在骨節欬而喘不渴者此爲肺脹其
狀如腫發汗卽愈然諸病此者渴而下利小便數者皆不可發

汗。

肺脹「正脈本」作脾脹今依趙氏更正「羅本」作正水

裏水者，一身面目黃腫，其脈沉，小便不利，故令病水。假如小便

自利，此亡津液，故令渴也。越脾加朮湯主之。

方見下

跌陽脈當伏，今反緊，本自有寒，疝瘕腹中痛，醫反下之，卽胸滿短氣。○跌陽脈當伏，今反數，本自有熱，消穀小便數，今反不利，此欲作水。

寸口脈浮而遲，浮脈則熱，遲脈則潛，熱潛相搏，名曰沉。跌陽脈浮而數，浮脈卽熱，數脈卽止，熱止相搏，名曰伏。沉伏相搏，名曰水。沉則絡脈虛，伏則小便難，虛難相搏，水走皮膚，卽爲水矣。寸口脈弦而緊，弦則衛氣不行，卽惡寒，水不沾流，走於腸間。

少陰脈緊而沉，緊則爲痛，沉則爲水，小便卽難。

脈得諸沉，當責有水，身體腫重，水病脈出者死。

夫水病人，目下有臥蠶，面目鮮澤，脈伏，其人消渴，病水腹大，小便不利，其脈沉絕者，有水可下之。

問曰：病下利後，渴飲水，小便不利，腹滿陰腫者，何也？答曰：此法當病水，若小便自利及汗出者，自當愈。

陰〔正脈本〕作因今依〔脈經〕〔程魏〕〔金鑑〕改正

心水者，其身重而少氣，不得臥，煩而躁，其人陰腫。○肝水者，其腹大，不能自轉側，脅下腹痛，時時津液微生，小便續通。○肺水者，其身腫，小便難，時時鴨蹠。○脾水者，其腹大，四肢苦重，津液不生，但苦少氣，小便難。○腎水者，其腹大，臍腫腰痛，不得溺，陰

下溼如牛鼻上汗其足逆冷面反瘦。

師曰諸有水者腰以下腫當利小便腰以上腫當發汗乃愈。

師曰寸口脈沉而遲沉則爲水遲則爲寒寒水相搏趺陽脈伏。

水穀不化脾氣衰則驚漉胃氣衰則身腫。〔羅本〕名少陽脈卑少

曰水分

陰脈細男子則小便不利婦人則經水不通經爲血血不利則

爲水名曰血分。脈卑〔脈經〕作脈革

師曰寸口脈沉而數數則爲出沉則爲入出則爲陽實入則爲

陰結。趺陽脈微而弦微則無胃氣弦則不得息。少陰脈沉而滑

沉則爲在裏滑則爲實沉滑相搏血結胞門其瘕不瀉經絡不

通名曰血分。

問曰病有血分水分何也師曰經水前斷後病水名曰血分此病難治先病水後經水斷名曰水分此病易治何以故去水其經自下

問曰病者苦水面目身體四肢皆腫小便不利脈之不言水反言胸中痛氣上衝咽狀如炙肉當微喘欬審如師言其脈何類師曰寸口脈沉而緊沉爲水緊爲寒沉緊相搏結在關元始時尙微年盛不覺陽衰之後榮衛相干陽損陰盛結寒微動腎氣上衝喉咽塞噎脅下急痛醫以爲留飲而大下之氣擊不去〔羅本〕其病不除後重吐之胃家虛煩咽燥欲飲水小便不利水

作沉緊不去

穀不化面目手足浮腫又與葶藶圓下水當時如小差食飲過

度腫復如前。胸脅苦痛，象若奔豚，其水揚溢，則浮欬喘逆。當先
攻擊，衝氣令止，乃治欬。欬止，其喘自差。先治新病，病當在後。
本羅

作水當

在後

風水脈浮，身腫汗出，惡風者，防己黃耆湯主之。腹痛者，加芍藥。
風水惡風，一身悉腫，脈浮不渴，續自汗出，無大熱，越脾湯主之。
越脾湯方

麻黃 六兩

石膏

半斤

生薑

三兩

甘草

二兩

大棗

十五枚

右五味以水六升，先煮麻黃去上沫，內諸藥，煮取三升，分溫

三服。惡風者，加附子一枚炮。風水加朮四兩。

皮水爲病，四肢腫，水氣在皮膚中，四肢聶聶動者，防己茯苓湯

主之。

防己茯苓湯方

防己

三兩

黃耆

三兩

桂枝

三兩

茯苓

六兩

甘草

二兩

右五味以水六升煮取二升分溫三服。

裏水越脾加朮湯主之甘草麻黃湯亦主之。

甘草麻黃湯方

甘草

二兩

麻黃

四兩

右二味以水五升先煮麻黃去上沫內甘草煮取三升溫服一升重覆汗出不汗再服慎風寒。

水之爲病其脈沉小屬少陰浮者爲風無水虛脹者爲氣水發



南京中醫藥大學圖書館版權所有

其汗即已。脈沉者，宜麻黃附子湯。浮者，宜杏子湯。
〔羅本〕脈浮者麻黃加朮湯主之。

麻黃附子湯方
即麻黃附子甘草湯方見少陰篇
○〔金匱〕用麻黃三兩餘並同

杏子湯方
〔原注〕未見恐是麻黃杏仁甘草石膏湯

厥而皮水者，蒲灰散主之。
〔原注〕方見消渴中

問曰：黃汗之爲病，身體腫，發熱，汗出而渴，狀如風水。汗

沾衣色正黃，如檿汁。脈自沉，何從得之？師曰：以汗出入水中浴，

水從汗孔入得之，宜耆芍桂酒湯主之。

黃耆芍藥桂枝苦酒湯方

黃耆 五兩 芍藥 三兩 桂枝 三兩

右三味，以苦酒一升，水七升，相和煮取三升，溫服一升，當心



煩服至六七日乃解。若心煩不止者，以苦酒阻故也。

〔原注〕一方用美酒

醢代

苦酒

黃汗之病，兩脛自冷，假令發熱，此屬歷節。食已汗出，又身常暮

臥盜汗出者，此榮氣也。

〔羅本〕作此榮氣熱也

若汗出已，反發熱者，久久其

身必甲錯，發熱不止者，必生惡瘡。若身重，汗出已輒輕者，久久

必身潤，潤即胸中痛。又從腰以上必汗出，下無汗，腰髀弛痛，如

有物在皮中狀劇者，不能食，身疼重，煩躁，小便不利，此為黃汗。

桂枝加黃耆湯主之。

榮氣〔正脈本〕作勞氣，今從〔趙魏徐尤陳〕改正。○醢苦官切。

桂枝加黃耆湯方

桂枝

芍藥

各三兩

甘草

二兩

生薑

三兩

大棗

十二枚

黃耆

二兩

右六味以水八升、煮取三升、溫服一升、須臾飲熱稀粥一升、餘以助藥力、溫覆取微汗、若不汗、更服。

師曰、寸口脈遲而濇、遲則爲寒、濇爲血不足、跌陽脈微而遲、微則爲氣遲、遲則爲寒、寒氣不足、則手足逆冷、手足逆冷、則榮衛不利、榮衛不利、則腹滿脅鳴、相逐氣轉、膀胱榮衛俱勞、陽氣不通、卽身冷、陰氣不通、卽骨疼、陽前通、則惡寒、陰前通、則痺不仁、陰陽相得、其氣乃行、大氣一轉、其氣乃散。〔羅本〕作寒氣乃散實則失氣、虛則遺溺、名曰氣分。

氣分、心下堅、大如盤、邊如旋杯、水飲所作、桂枝去芍藥加麻辛附子湯主之。



桂枝去芍藥加麻黃細辛附子湯方

桂枝

三兩

生薑

三兩

甘草

二兩

大棗

十二枚

麻黃

細辛

各兩

附子

一枚
炮

右七味以水七升煮麻黃去上沫內諸藥煮取二升分溫三服當汗出如蟲行皮中即愈。

心下堅大如盤邊如旋盤水飲所作枳朮湯主之。

枳朮湯方

枳實

七枚

白朮

二兩

右二味以水五升煮取三升分溫三服腹中硬即當散也。

附方

外臺防己黃耆湯治風水脈浮爲在表其人或頭汗出表無他病病者但下重從腰以上爲和腰以下當腫及陰難以屈伸

見方

風溼中



